

115 年全國語文競賽臺灣原住民族語言朗讀文章 【西群卑南語（原稱：初鹿卑南語）】 高中學生組 編號 1 號

na kuwatreng na pinailran za ruma’

“kazu a tawki ulra a sasa nantu pinailran kana ruma’, ulra a trau mukuwa koksowa kantaw, marengay kanini na pinailran kana ruma’ tu ranakaw nantu pinieman kana tawki. na tawki tu pazuwayaw na pinailran kana ruma’, zi tu rengayaw intaw, “nanku kiningeran na lremakan mu, kemudakuda? pupanayu verayan nannu vinavalray pinuvalray kana itrima’ na valray, ’azi u lra karuwa mitrepa demikes kana mailran kana ruma’.”

izu na mailran kana ruma’ kemani i anger mianger, “tu paretra’aw ku lra kana tawki, i likuzan mu auwa ku kemakudaya za eman? penapitaw? iniyan ku za kezung; kiyamiya za maderu? kasamasamaz. pamau, malrazam ku lra za kakudayan, ’inava anu iniyan ku za kiyakarunan mu, ulra ku ’ali’an a kawai kituluz kaninku pikazu kaninku.” kema.

kemazu zi intaw tu daulraw nazu na mikiyam kana tawki kemasaasa pazuwa. kema maraengay kana melrivak kanintaw, “mikiyam u za manueman kana tawki?” temuvang itaw, “saleman vakisan na imar za ’etru’etruman.” marengay na mailran kana ruma’, “ini mu ninu kiyam,

kayan, asalru venavalray za makalruwatr.” kiumalr intaw za zuma marengay, “inu mu, mikiyam u za manueman?” temuvang intaw, “saleman kazayan na emi.” marengay na mailran kana ruma’, “ini ninu kiyam, asalru venavalray za makawalun.” puitras na tawki kanizu na ’azi patezelr na pinailran kana ruma’ zantu ’elrepatan mianger.

’alra na lremak i punapunan maruwa parekituluz kemakuda, na trau i punapunan maravulay kana mitranguru’an.

amanan meraranak zannu ulra ziyang na paisu pinieman, ’alrana amelri ninu, mau nintaw kana tawki.

na paisu karuwa ta melak kikarun za ’inava na lremak, kuwatreng za lremak, pimanayu nanu paisu kikarun za ’inava za lremak.

ma’izang nantu kezung kana paisu, ziyang taranapaw minanay.

’azi ta ka’azi temulre’ay mimanay kananta paisu pinieman, mukuwa parevuwa’a zanta kipaisuisuwan lra.

115 年全國語文競賽臺灣原住民族語言朗讀文章 【西群卑南語（原稱：初鹿卑南語）】 高中學生組 編號 1 號
不義管家

某財主的管家被控浪費財物，主人決定解雇他並要求交帳。管家擔心失業後無以為生，想出對策：他私下召來主人的債戶，替他們減少欠款，以換取日後的接納與幫助。有人欠一百桶油，他改為五十；有人欠一百擔麥子，他改為八十。主人反而稱讚他處事機警，因為在世事上，世俗之人往往比追求光明的人更為精明。

不要浪費財富，錢可以拿來做善事或惡事，要用錢做善事。錢具有很大的力量，要小心謹慎的使用。我們應好好使用錢財來孕育的資源。